

معلومة تاريخية

علم اسكتلندا و القديس أندراوس

خادم مدرسة مار إفرام السرياني

إيه السر ورا ألوان علم اسكتلندا و علامة X اللي عليه؟ و إيه علاقة القديس أندراوس بالموضوع؟



المصادر: موقع (St. Takla) + مصادر اسكتلندية

القديس أندراوس مش من التلاميذ أو الرسل المشهورين عندنا ... زي القديس بطرس و القديس يوحنا و مرقس الرسول و بولس الرسول لكن الحقيقة له دور مهم جداً أثناء حياته ... و حتى بعد استشهاده, هو شفيح دول كثير ... تعالوا نعرف ليه

دعوته و تلمذته

- القديس أندراوس هو أخو القديس بطرس الرسول ... كان تلميذ للقديس بوحنا المعمدان, منه سمع عن الرب يسوع ... فتبعه و عرف أنه المسيح المنتظر
- و طبعاً قال لأخوه بطرس ... و جه ربنا يسوع يعلم في المركب بتاعة بطرس و أندراوس ... و حصلت معجزة صيد السمك فتبع بطرس و أندراوس ربنا يسوع من ساعتها بعد ما دعاها يكونا صيادي ناس
- و الحقيقة المرات اللي ذكر فيها القديس أندراوس في الكتاب المقدس 3 مرات بس, أشهرهم المرة اللي فيها قدم لربنا يسوع الولد اللي معاه ال5 خبزات و سمكتين في معجزة إشباع الجموع

كرازته

- القديس أندراوس بشر في أماكن كثير في أوروبا و آسيا ... منهم مكانين إحنا واثقين فيهم 100%
- أول مكان هو روسيا ... هو يُعتبر الكارز الأول للمكان ده ... عشان كده اسم Andrei مشهور جداً في دول الاتحاد السوفيتي (زي روسيا و أوكرانيا و كرواتيا)
- ثاني مكان هو اليونان ... لأن ده المكان اللي هو استشهد فيه



- استشهاد القديس أندراوس في مدينة بتراس من مقاطعة أخائية في اليونان ... و تعيد له الكنيسة يوم 4 كيهك ... و فيه حاجتين نقدر نقولهم عن الصليب ده
- أول حاجة إنه كان على حرف X ... لأن القديس أندراوس (زي القديس بطرس اللي صلب فُنكس الراس) شاف إنه ما يستاهلش يتصلب زي ربنا يسوع
- تاني حاجة: يقال إنه كان مربوط في الصليب بالحبال مش مثبتت بالمسامير ... و ده يزود الآلام و مدتها

علم اسكتلندا

- بعد وقت من استشهاده (حوالي سنة 400م), حصل اضطهاد تاني ... فقديس يوناني اسمه ريجولوس كان عايز يحمي الذخائر (جسد القديس أندراوس) ... فهرب بيها على مركبة و وصلت بيه المركبة لاسكتلندا ... و من هنا بدأ شعب اسكتلندا يعرف القديس أندراوس
- بعد كده, سنة 832م كان فيه حرب بين اسكتلندا (بقيادة ملك اسمه Angus) و بين الساكسون (قبائل ألمانية) و الملك ده اتشفع بالقديس أندراوس
- شاف في السما **سحب بيضا عاملة صليب على السما الزرقا** ... اعتبر الملك ذلك علامة من ربنا, فتعهد يخلي القديس أندراوس شفيع اسكتلندا في حال ربح المعركة
- و فعلاً كسب المعركة ... و غير علم اسكتلندا عشان يكون صليب القديس أندراوس على خلفية زرقاء ... و سموها Saltire
- و القديس أندراوس بقى شفيع اسكتلندا ... و بقى يوم 30 نوفمبر عيد قومي عندهم (St Andrew's Day)